


靜春堂
詩集

附紅蕙山房集

靜春堂詩集序



予讀今人詩不知其爲今人者唯

沒十餘年矣意者亦古矣而猶今也今斯人豈

世之爲詩者學古人欲其似出己意欲其新兩端而已

然似者多踴襲新者常崖異唯其似而非似也新而非

新也得之渾然又未知古人已先孰後也始可言

詩耳一者士去科舉之業慮無不詩北音傷於壯南

音失之浮書文大同宐極于古故今人于宋詩少所許

可僅取王半山以其逼唐也然半山詎肯及唐而止三

靜春堂詩集序

一知不足齋叢書

與宋次道選詩盡在目中矣至于中夜禪悟集句趁

亂笳拍則不啻自其口出一大家數造詣迥別殆未可

以淺窺若唐人接六朝凌鮑謝何必多遠挹西漢師

蘇李更不疑實致如此使如今人懸擬風雅不過跼蹐

言如韋孟自陳東哲補亡曾何係于刪後重輕哉聲

以時淺異感發在人則同每下愈況固不可心遠而

力不逮亦不可予于通甫既曰古之人豈必以半山枉

通甫譬諸登峯造極循循來逕尚于此乎見之也古人

所嘗有者皆有今人所當無者必無靈傑百出清婉明

麗柳所謂酷令人愛者非耶憶通甫與子交上下古今
一返諸性情之正子固望其鳴國家之盛橫經石洞歸
而不復出靜春堂手校萬卷築脩亭遂志焉屬其仲子
泰輯遺編託子序死者如可作也願焉得如通甫者與
之評通甫名易姓袁氏吳郡人延祐庚申日南至高郵
奠壙序

選詩惟陶阮近古神思清曠意趣高遠興直寄焉耳魏
晉宋之閒廢興之事可感矣感極而悲寓之詩以寫其
懷詩不自知也况寓之酒乎或譏其流連光陰殫情花

靜春堂詩集序

二

草似矣而非也千載而下復有如二子之所遭者則知
二子之心者矣具區甫里之閒有隱君子袁易通甫家
焉結廬構亭出蒼茫之外樵村漁舍混爲一區城市之
跡疎而麋鹿之性馴嗜欲之機淺而鷗鳥之情親所交
皆畸人逸士西鄰北里詩筒往來清江白月舉樽相屬
優游不仕者四十餘年余來中吳與其子泰仲長游而
隱君子沒久矣示子手澤一編伏而讀之體製精麗而
不雕音響和平而不激仰扳陶阮俯凌鮑謝而機軸自
成一家余恨不獲登靜春之堂相與上下其議論而流

風遺韻猶隱隱紙上可掬惜哉仲長敏學自修能世其
家云辛酉清明前三日書于成德堂牆東老叟陸文圭
閉門雪臥遠詠史風情留有詩三百篇令子手所哀汝
翁秀儒林殖學媿前修六經窮變與萬象工雕鏤廣矣
雅音正恹矣騷情幽照耀明月珠珍重珊瑚鉤一讀令
人喜再讀令人愁李杜骨已朽江河名同流憶昔託末
契東城得追遊平時少契闊暇日多倡酬櫟材自揣劣
藻思誰與儔老我歲冉冉霜鬢風颼颼索居破茅屋寒
擁敝貂裘夜來清夢飛故繞松江頭夢中不識路脩亭

靜春堂詩集序

三

渺悠悠粲然見梅花落月香影浮性情閱千古感發卒
未休神交付冥冥知我雙白鷗通州錢重鼎敬題

余曩與通甫游時錢德鈞湯師言相率酬倡通甫每有
所作諸公輒咨嗟歎賞以爲不可及自後余因作吏遂
廢此事客錢唐時通甫嘗以二詩見寄適有簿書之役
不克繼和至今猶歉然于懷再調江東歸吳則聞通甫
已仙去每痛斯人之不可復作未嘗不爲潸然出涕也
方通甫年少英發王色照人駿馬名姬輕裘側帽酒酣
耳熱彈舌頓足作敕勒歌一何其豪壯也蓋將有以用

斯世而弗克遂厥志及歸隱于松江之濱築室治圃種
花藝竹繞舍芙蓉數十畝雜植芟芟蓴菜于其閒茹美
釣鮮絕不與塵事接扁其堂曰靜春聚書萬卷日與賓
客講論經理商畧古今暇則具筆床茶竈扁舟五湖盡
取乾坤清氣以充其詩余爲飢所驅不能相從于靜春
堂上下其議論尤深以爲恨歿數年後其子仲長以遺
槩示余且徵余言子方子敬已敘其端余何敢措一辭
然竊以爲詩本原于性情之正當其遇物興懷因時感
事形之于詩初何嘗拘拘然執筆學爲如此則似某人

靜春堂詩集序

四

如彼則似某人然名爲詩也哉蓋其所蓄既深上自三
百篇以至魏晉唐宋諸家之詩莫不融會于胸中故其
作爲篇章自有不期似而似之者耳雖然似特其形體
一至于妙而化之之地又有超出于古人語意之表者
未易識也余頗有志于此事然極力爲之不能工今
通甫之詩鉅梓以傳于世余將購求一集朝夕優柔
涵咏之他日或考見余之詩曰頗似袁通甫則予詩進
矣余自得靜春堂槩手之不忍時刻置仲長索至再輒
書其後而歸之至治元年長月望郭隣孫謹書

靜春堂詩集者吳郡袁君通甫之所作也通甫有宅在郡城東南二十里蛟澤之濱蛟澤當吳淞江之下其水甚深魚鼈鰕蟹皆聚于此通甫爲圃于堤上圃之中作堂而居之名之曰靜春通甫日乘小舟往來于菰蒲叢薄之間飲酒放歌其樂無涯夫旣遠去城市抗跡塵埃之表罕與人事相接又善爲文詞才思有餘則操觚弄翰篇章閒作有感于衷難嘿嘿而遂已朋友相過必再三強畱盡歡乃聽去相得稍深經時不來輒爲書招之事見于集中次第可攷也昔陸龜蒙有宅在甫里距蛟

靜春堂詩集序

五

澤數舍而近龜蒙有詩名與皮日休倡和累數百首其傳至今人多能誦之龜蒙不仕日休位望稍著其詩之所以傳豈二人相挺爲輕重而致之耶其詩固有異耶通甫之出處爲人大都與龜蒙相類而通甫生于治世雖以文學補官未及受一命所與爲莫逆交如郡人郭祥卿高郵龔子敬皆知名于時在吳郡文士中三君子號爲領袖通甫卒年未五十二君子年位皆過此其名亦浸聞于朝廷序通甫之詩皆盛有所推許謂已不能及二君子者過爲謙詞求以愉悅于人然則通甫之詩

必傳于世無疑矣豈以區區之皮陸而有所不逮也哉
通甫之子泰持其詩視余復徵余爲序故爲具論之云
爾至治二年十一月四日浦城楊載謹序

仲宏所謂三君子者集游吳時畧遇郭祥卿而龔子敬
官宣城不相見通甫固已去世久矣從其子得所爲詩
讀之又見于敬所謂古人之所嘗有者皆有今人之所
當無者必無蓋已得其風致于筆墨之間矣蜀郡虞集
題

作者以學而爲詩匪直以詩而爲學大學授詩參舉亟

靜春堂詩集序

六

引詠歎淫泆使人興起于學故知來起予聖人許子夏
子貢者詩與學一致也學者詩之根柢詩者學之英華
培之深厚則其發也沛然綠英華可以探其根柢凡世
之爲詩者疎淺窘滯迄莫能馳騁變化者政以學無源
猶行潦爾若袁通甫其以學而爲詩者與通甫年志學
卽與余友自宋亡科舉廢俛焉尋究源委篤於務本之
學于六經四書則研訂訓詁而探索微旨于遷固諸史
則視時與事而析其是非迨莊騷而下莫不旁貫通暢
涵泳優柔邈而會六義之極者通甫之學也雖日與同

志求麗澤之益而通甫穎悟自得奔軼絕塵不可及矣
故其爲詩經之以風雅頌緯之以賦比興法度森嚴旨
趣高遠得馳騁變化之妙一時擅詩人能事矣中歲以
才請推擇爲邑校師過長精舍階是臚仕可郡文學矣
未及一試從政之才而遘疾不起惜哉歿後數年中子
仲長泰始衰其詩刻梓以傳余時官金陵弗及知暨旋
里取而視之則散詩不少憶昔通甫無恙與余無三日
不晤語否則走奚奴遞詩筒于是詩章樂府余得之最
多至是授仲長數十篇而集始粗備屢徵序引故爲詳
述其詩學淵源所自九京有知亦必喜平生故人爲發
其幽潛耶時泰定甲子春三月望日湯彌昌序

靜春堂詩集序

知不足齋叢書

靜春堂詩集卷一

過秦伯廟

孤城下白日景射粉粹與客上河梁河水寒瀾瀾歸
然與秦伯靈瑣闕其趾升堂闈無人白雲在廉陞淳風
暨南服妾婦知敬止禋祀何寂寥廟食不饜蓋至德貴
辭讓千乘猶敝屣豈伊常人情食形慍喜吾嘗閱僚
光同室操劔七神孫且淪薄流俗重已矣伯也諒有靈
願言振頽靡元蹤企龍德懿化慕麟趾

靜春堂詩集卷一

一知不足齋叢書

遊靈巖

緒風散林薄洩霧開巖扃茲晨愜清穆曠懷延杳冥九
折度峻壁微行窮絕陁夫差昔戾止鏘鏘駐和鈴華旗
一以建纘紛朝巨靈花飄磴道白樹入端闈青吳娃煽
方處越甲蔽長垆千秋魂魄歸過沛涕亦零嗚呼重華
後格鬪何由寧秦宮委蔓草漢闕流寒螢惟應金
空山屹亭亭摩足耀八極象教垂千齡

酬湯師言崑山冬夜見寄

清昊懸白日靈景

此時星鼎中賓餞由朔方夕



曠落草頭寒谷晦蒼蒼之子在天末江湖阻且長濟盈
恐濡軌欲往悲無梁風吹崑岡裂念子單衣堂短札俄
枉辱高情何慨慷一辭三致意再點公章要我數日
期我懷增惋傷數日詎可玩百年中 聖焉能但耿耿
契關如參商

寄承天存書記

號此山

赤城巨蒼穹實維仙聖宅上人釋門秀靈氣載營魄浮
杯渡三吳爰止雙蛾石白雲亦何心皓鶴時敏翮禪扇
清唄餘宴坐羣動寂斷前後際洞徹天人曠我生遊

靜春堂詩集卷

二

穀中憂患勤怵惕北風過環堵落葉平地尺中宵念室
家歲晚凍餒迫鬢髮能幾何頭為兒女白明當絕塵機

從師振金策

水仙花

風吹長林急雪集聚竹飛仙從何來翩然賁空谷初

恍若驚

矧敢黷黃裳韞華藻素服立幽獨昔聞

貞達流滄波振恐躅太白御鯨背靈均葬魚腹永傷骨
爲土緬想人如玉貞魂千秋後流落依草木吾將佩幽
芳采采不盈掬

過定慧院尋陳舜咨不見

城東古招提遺構何代作
薛蘿施欄楯流塵翳丹樓
岌岌垣仆裊裊危柱弱
舉頭瞻金像古屋蒼風落
芥間西方教冥念貴恬
漠班荆蔭雙樹蔽芾亦可託
邇來列萬剎中天峙飛閣
隆規競宏麗至道愈衰薄
愛茲遺古意每過必枉策
故人志雲臥斯焉甘旅泊
儒墨豈磷緇寄食共藜藿
踟躕不及見心期悵何邈
白雲東北飛縹緲帶皓鶴
緬懷肥遁姿清風在寥廓

諸友約遊虎丘不及往

靜春堂詩集卷一

三

原疇擁危阜岡巒帶重闌
捫蘿稍曲折身已躋嶸岉
逕蟠太古石岳栖百代雲
昔王侈厚葬宏模難具陳
玉匣闕臆珠襦被龍文重
險疲卒伍三泉愁鬼神
雄圖乍不滅伯心寧宵泯
遺基委勁越餘孽開羸
素金精旣蕩滴劍氣亦沈
湮薄游羨良友覽物酬
芳春龍收靈雨且虎嘯清
風晨升高望八極酒酣氣
益振俛仰視遺跡飄忽如
埃塵登臨勿重歎茲歡信
可珍

遊蘇子美滄浪故園

吳穹積長陰寒日光炯碎
虛徐少城隅物色入遐睇
蘇

侯故臺沼蕪沒今誰記依依故址存慘慘迴颺厲谷傳
魑魅嘯地失神靈衛伊人百夫特文采傾當世立朝罹
罔羅抱影投荒裔阜淹天馬逸溝困秋鷹鷲空餘意氣
雄摩盪山岳銳生存且飄泊身後何嗟異下泉雖冥冥
精爽不可闕孤城千載歸秋風九皋唳

登開元寺閣觀浮海石佛

招提控城闔飛閣峙千尺白日轉芴楣朱霞覆檐隙升
高覽萬象目眩潛動魄天驚泱漭懸地覺虛無闕閣中
兩金像奇姿斲山石當年浮巨海波汜來中國未聞積

壽春堂詩集卷一

四

水厚能負萬鈞力瞽俗昧元津至人示靈蹟區區拯世
心於道詎無益危坐睨隋唐浩劫一朝夕檻前飛鳥逝
戶外流水疾九衢冠蓋場浮埃浩如積車馬何時閒丹
梯展良覲

金鳳花

灌木振淒風庶草沍露凜秋兆搖落孤花表貞素羅
生古逕陰迴立虛垣暮芳粧五色明幽葉九苞聚弱植
抱殊姿高標秉脩譽阿閣誰爲容軒除自成趣鳳德諒
未衰春榮亦何慕

寄錢德鈞時德鈞在錢唐

驥驟動長嘶高鴻託孤影丈夫四方志焉能戀鄉井憶
昨行邁初嚴裝在俄頃決背雪壑明矯瞻雲路水子行
不我過數日懷耿耿曩與子成言竊比韓與邴清風塞
寥廓高誼破溟洋明知忽遐遺蒙谷誰子做嗣宗詩酒
放叔夜交遊屏中襟憶晤言夙慕發深省載瞻吳洲月
遙矚孤山嶺平生故舊心丹青共光景

贈竹逕

青士抱奇節名與高人齊高人愛入骨對之忘朝飢千

靜春堂詩集卷一

五

載嵇阮林往者六逸谿俗人欲逕造白日蒼雲迷今君
在城郭種竹下成蹊比鄰任來往不遣捶藩籬我自
家法此意人得知

梅隱院觀魚

窈窕轉微逕蕭森見祇園密林已亭午宿霧始高蹇地
迴煩想滅景虛遐眺延陞階啟朱牖頰檻視清泉素鱖
散贊藻文魴媚漪漣水光忽破碎續紛鬢蠶翻無機蘊
至樂物微詎可捐伊余值良友追逐相聯翩觀化聊假
日達生終忘年匪慕惠施辨願承莊叟言

寄湯師言倩德鈞書數詩於末章及之

遠報平安如見君
草生官舍不嫌貧
山寒獲狝時相命
江闊蛟螭夜有神
詩句祇添風土異
酒杯莫放鬢毛新
欲知別後嵇康懶
一紙書題亦倩人

寓西隱庵師言與唐月心相過分韻得然字

浪走黃塵祇自憐
惠詢前約竟茫然
偶棲蘭若耽幽趣
轉羨滄洲寄暮年
草草詩篇書柿葉
蕭蕭鬢髮亂茶煙
他時我醉君休去
淨掃禪齋借榻眠

贈日者余竹深

靜春堂詩集卷一

六

吾宗昔日丹陽尹
不問主人過竹所
奮鬚長嘯振林樾
滿谷笙簧翠蛟舞
我生嗜好頗相似
千古清風慚鼻祖
余君談天氣吐虹
白眼看人坐箕踞
吾嘗匹馬造堂階
隔牆過酒延我語
知君旁舍竹如雲
借問林園得窺否
君言我居安得此
但有蓬蒿繞環堵
竹林嵇阮太迫窄
辟世雖深觸憎怒
要當胸中有千晦
世人那得知其處
猗猗叢茝比君子
維其似之美無度
再歌淇澳爲君飲
醉倒猶能騎馬去

胡西軒道院竹石

靈石起微雲高竄嘯飛雨解襟散幽寂清心見琳宇道
人方燕坐碧鮮照巾屨客來但對面莊視不得語如觀
溫伯雪目擊破千慮清風何方來冷然入窗戶羣籟起
虛谷衆妙會靈府飄飄紫鳳鳴蕭瑟驪虬舞伊予墮塵
罔憧憧困馳騫神栖方外久夢繞雲臥屢永願繼壺公
終當效巢父

題陸義齋香遠亭

漢廣不可泳江永不可方遐觀貞女游矯若鶯鴻翔茲
花亦如之曲池抱明妝絳袖冰雪質翠衣雲錦章褰裳

靜春堂詩集卷一

七

欲往從宛在水中央脩姤冶容滅閑都纖態昌倚楹回
眺久頰軒流睇長徘徊初月升厭浥零露灑漠漠遞幽
馥悠悠播微芳相彼亦何心因風爲飄揚

送湯師言赴杭

烜赫忠臣裔飛騰秀士英孝廉敦素履經術繼家聲邑
校爲官小儒風藉爾行禮還周六典人見魯諸生省署
交章上天衢闊步亨溟池鯤速化丹穴鳳長鳴夙昔論
襟誼殷勤結弟兄雲泥慚異趣膠漆動深情敢望追王
吉寧希薦禰衡湖山存奇句倘許寄柴荆

送潘鶴驪歸侍母

冉冉虞淵日迴光照我衣蕭蕭大隄馬送客長鳴嘶窮
冬霜雪繁陟岡行旅稀子何意浩蕩歸心如奮飛王粲
故鄉志江淹南浦悲丈夫各有適聚散焉可期子有白
頭親天寒守重闈蠨蛸懸牖戶知子行當歸舉觴慈顏
和升軒福履綏士生食萬鍾高堂色養違何如衡門下
菽水歡逶迤羨子敦懿義家聲良不虧閑居富詞藻札
翰時相貽

題束季博適安齋

靜春堂詩集卷一

八

蕭蕭虛檻暮冉冉飛雲入紛紛車馬塵悠悠詎能及憑
軒亦何有竹樹相蒙蔚雞鳴境逾廓鶴唳林更寂人生
貴是身夫豈不願適胡爲悔吝端往往在衽席莊生歎
坐忘陶令嗟形役茲理信無睽非君諒誰識

送王沂父常州學正

豐草被長堤春波轉微綠江淹南浦情悠然在我目吾
鄉二三友交誼天倫篤爾來數睽阻且且歌伐木陸生
旣高騫子亦展遐躅連遊陽羨區並泛荆溪曲是邦號
多士文風素云淑矧茲二賢教時雨新沾沐恭聞俗化

原其機系庠塾嗚呼季子風千祀今可復若子遲暮委
冥栖滯窮谷縮一作索經昧元義漫費百回讀寧希兼善
才實愧聞見一作見聞獨再瞻雙鳳翔高天引遐矚

贈崑山儒醫張生生攜洛陽耆英圖云圖中名燾

者某之始祖也

園公深谷隱巢父中林居生逢嘉運敢向拘曲士模豈
若洛中叟抱材知卷舒誠著金鉉職忠裨繡衮謨功成
遂投絀身退斯懸車清伊天地中化國日月徐相顧髮
皓白胥會情怡愉旣應德星聚亦彰南極符一時聚冠

靜春堂詩集卷一

九

蓋千祀存畫圖老成則已矣典刑猶宛如張子有仍孫
韜名倉扁徒種杏白雲表蒔藥青山隅利物貴兼濟秉
心良不渝咸俾追爾祖永膺眉壽俱

贈禽衍陸生

徵士士龍之子孫天馬爲胸氣深厚逸才致遠誰能羈
少年氣已干牛斗爾來狼狽一緼袍豪蕩月居狐貉後
文豹深藏霧雨濛濛蛟終作風雷吼相羊塵市昔傾蓋
執雉定交歡握手燕坐談天試相語一作語擊蛇掉尾還
應首衆人乃欲攘其踰無異醯雞喧甕缶解冠蟬弁戲

推許鼠目麀頭慚老醜嗟子退處操如蚓分與窮猿擅
林藪蟲飛蝠伏各有時萬物行藏信非偶文章藻繪亦
安用畫虎不成徒類狗寧爲牧豬隱蒲博雖非待兔聊
株守豸與無堪厠朝列鹿門政可安農晦君不見于秋
麟閣誚獼猴烏用丹青傳不朽

過長安堰

霜落天清木葉零我非王事亦宵征三更燈火魚龍動
千里星河鴈鶩鳴大舶低昂銜尾進扁舟來往一身輕
抱關恐有高人隱野客低頭愧送迎

靜春堂詩集卷一

十

杭州客樓開爐日作

袖長起舞朱樓窄壺缺聽歌綠酒寒故園尊應歸日老
小春花在客中看江山信美終心折風月橫陳惜鬢殘
千古流傳王粲賦令人登覽動愁端

送湯師言番江書院山長

風土迢迢吳芮邑送君還憶舊羈栖芝山擁郭蒼龍臥
香水黏雲白鴈低遠道故應勞夢想一官那得限東西
野花芳草江南路千里秋風入馬蹄

久出還家梅花已謝

手攜長鏡斲蒼苔雜樹無多取次栽斟酌何郎才思減
梅花謝了却歸來

梅花謝了却歸來不見繁枝雪作堆桃李向來羞欲死
而今紅白滿園開

梅花謝了却歸來風裏殘英面旋迴我似穠侯遲見事
當時合築避風臺

和師言見寄

僕時在褒制中

千仞岡頭亦振衣塵中祇伴白駒馳功名到手終安用
憂患凌人竟大奇陶令田園松菊廢王良冢墓柏楊悲
新詩縱寫高情極得似相看滅夢思

靜春堂詩集卷一

士知不足齋叢書

靜春堂詩集卷一

吳郡袁 易通父

杭舟道中書懷四首

涉世恒多故謀身轉益迂馬周聊逆旅阮籍豈窮途鷺
宿依船尾楓凋落酒壺遠行慄慄意對此不能無
白霧籠舟楫青山失畫圖往來迷只尺收斂忽斯須野
曠連飛鶴江清映浴鳧還將明媚色且復慰征途
堤柳欹招纜汀花笑入舟高歌鳧鷖起闊視水雲流坐
落江淹恨飄零庾信愁都將付尊酒短髮得禁秋

靜春堂詩集卷二

一知不足齋叢書

憂患看飄瓦浮沈任轉蓬題詩霜葉赤對酒燭花紅
阮情何曠陶韋意未窮前賢負高興不必萬人同

重午客中雨三首

往恨湘纍遠他鄉楚俗同流傳存弔祭汨沒見英雄竹
葉於人綠榴花此日紅未須嗟旅泊吾道豈終窮
湖上溟溟雨和愁細似塵翠嵐沾玉塵清潤遍綸巾他
日看濃抹茲晨做淺輦遂諳山水意有爲苦畱人
令節殊方客虛樓暮雨時何心吟鑄鏡子髮欲成絲昌
歎誰浮玉芳醪且滿卮今朝羈旅思更用獨醒爲

寄一作
懷 吳中諸友

錢德鈞

風雨蕭蕭裏雞鳴夜向晨
簡編心力盡燈火鬢毛新
餘地知游刃何人解斲輪
煩君毋割席漂轉暫埃塵

蕭子中

竝馬春風陌高歌夜雨牀
遨遊前夢失漂泊此身忙
綠酒西湖色冰肌六月涼
難招尋似戟來對玉成行

湯師言

卓行拘常調微官更數移
君懷同奔屣吾道歎如絲
薄

靜春堂詩集卷二

落材高世飛騰命與時
晚成梁棟器剝破十年遲

唐希賢月心一無月心二字

枉策招尋密高談謔浪俱
他鄉懷楚奏何日攬桓須
白月垂文練青天落酒壺
看君話心事餘子盡崎嶇

趙明仲

共話巴山雨曾題華步秋
儒官雖寂寞公子足風流
卽擬同吳詠焉知效楚囚
江南新作賦寄爾恐添愁

馮景說

之子華簪冠裔單瓢祇晏
如爲郎應駐輦延客愧無車
早

託襟期合能容禮法疎一燈何日共料理讀殘書

和送春韻

浩歌擊折玉妃簪獨立東風思一襟桃萼帶雲歸洞口
柳花因雨老牆陰睡鄉化蝶三春夢客路聞鶻萬里心
猶有茂林觴詠處激湍不改晉時音

和月心韻

陋室僅容書滿榻高車遂訝席爲門溪山卜地關心近
風雨翻江入夢喧一本烏鵲浪傳佳客喜龍蛇新見醉
題痕何時重對蕭蕭竹細影參差過酒樽

靜春堂詩集卷二

送趙明仲番江書院山長僕時自石洞書院歸

詩酒政欣同里社宦遊那復共山川一朝捧檄雖云喜
千里擔簦祇自憐羨子飛騰端在此顧予來往獨翛然
番江官暇無餘事還許同一作來弄釣船

首夏村居雜興七絕

江花畱我澹相娛沙鳥親人狎易呼乘興舫船時獨往
置身塵網欲何須

穿徑幽篁破嫩苔遶池漲綠潑新醅黃捎蝶驚還起
翠碧窺魚去復來

問舍求田計已遲江鄉別業漫委蛇春鉏屬玉明人眼
祇比輞川無好詩

遲暮耽書愧斲輪拋書聊憇夢中身儵然一榻誰相過
祇有清風似故人

灣碕流水轉微瀾隱見游儵藻荇閒豪上難窮千古意
柳陰聊得片時閒

汎汎鷓鴣淅淅波煙銷日出聽漁歌江天物色無人共
城郭風塵奈我何

綠樹荆扉晚更幽鱸魚菰菜近堪求故人有興能尋我

靜春堂詩集卷二

四

但覓吳淞欲盡頭

八月一日雨後賦兼寄城中諸友

今我不樂思出遊宿酒昏昏仍嬾情安得涼飈破煩鬱
竹頭搶地桐陰妥紈扇那能脫腕揮紗巾不覺酣眠墮
誰喚飛雲起天末政用此時持贈我渴龍掉尾下飲江
列缺爲右豐隆左蜿蜒初若彌六合變滅忽復成么麼
長空收暄淨千頃落日著山縣米苧白衣蒼狗覓虛無
孤鶩斷霞明細瑣人生萬事風雨散苦欲控搏無一可
嗟予學道良已晚閱世忘憂今亦頗西疇罷亞碧參差

南埭夫容紅婀娜聊尋清景口追逐况復川原秋淡沱
故人城郭尙畱連何時共鼓吳淞柁

呈信州孟能靜總管

設官重邦牧宣化馳皇風師師漢百僚獨推黃與龔金
章映紫綬非材焉所蒙君侯上宰裔樹立何穹崇神駒
籥雲霧威鳳下椅桐昔在英妙日已謁明光宮髣髴拜
玉陛秀骨回重瞳帝併持一麾往哉懋汝功累考上治
最野闢蕃春農及茲三錫命厚恩零露濃上饒古名郡
攘攘庶物豐誅求入豪吏稅斂或缺供朱幡一戾止起

靜春堂詩集卷二

五

繁如轉蓬坐聞襦袴歌喧呼走兒童侯嘗過吳下五馬
聲麗麗吾友具朗鑒揖侯廣坐中褚裒得孟嘉千載事
略同伊子慕清裁欲見嗟何從自憐七尺軀仰媿高飛
鴻

題錢德鈞水村圖子昂仲賓二公作竹石于後

無多茅屋滄波遶一半青山竹樹遮宛似吾鄉荒寂地
直疑割我白鷗沙

枝葉翛然長帶雨坡陀幽處欲飄雲故將竹石期貞士
二子風流最絕羣

題渡海羅漢像

錫飛自有天龍護
杯渡能令海若趨
肩肩往來應自笑
區區變幻欲何須

冬日感興併懷德鈞師言月心四首

日帶寒陰暝雲含雪意稠
飢烏啼欲下鳴鴈去安投
物態關心近年光入鬢
流低頭頻覽鏡勲業付悠悠

散帙蟬魚走挑燈黠鼠窺
溫尋經歲讀感激長年悲
糟粕求元理芝蘭藉故知
三冬開萬卷須訪董生帷
短褐黃埃積高堂絳帳開
東西成契闊歲月轉低何青

靜春堂詩集卷二

六

稍還薜荔紅初注
小梅城南有幽事
興發可能來
之子數相顧
談諧寫我憂
每憐高詔激
端向古人求
玉笋流泉酒青旗
瞰水樓邀君興
飛動已解鷓鴣裘

杭州長至日會戴帥初張仲實

貞元朝士今遺老
南渡王孫不乏賢
二妙聯翩今拱壁
一官流落尚無甑
笑談政用迎陽復
汲引懸知到日邊
揮翰玉堂如問我
短蓑黃犢亂春煙

長歌彈鋏日爲年
晝晷何堪一線添
歸艇有時終入手
清尊對客漫掀髯
雲陰欲落平垂地
山色相親稍近簷

人散憑高聊發興，半空樓閣雨纖纖。

次日雪中再用前韻

歲晚弊裘慚久客，雪中僵臥媿高賢。強呼竹葉開金瑣，
細看楊花糝白墀。列壑合春人未覺，一江趨海勢無邊。
若爲乘興尋安道，半幅蒲帆破暮煙。

故人要我久忘年，我亦相逢意氣添。欲喚娉婷歌白雪，
恰驚點綴入蒼髯。畱連冰柱煩詩筆，零亂天花落帽簷。
待取明朝殘酒醒，越山重看翠眉纖。

正月十六日與德鈞子敬翼之洎兒子震遊東季

靜春堂詩集卷二

七

博山園賦詩五首

我愛山園好，芳堂隱薜蘿。野雲栖不去，風葉掃還多。暫
憇忘城郭，長謠詠湖河。不嫌頻啟鑰，重過意如何。

我愛山園好，幽篁積翠重。會令栖霞鳳，勿遣化蒼龍。清
影參差久，高標解近逢。未須猜徑造，聊復效吾宗。

我愛山園好，峯巒絕垢氛。石痕長漬雨，洞穴細飄雲。醉
臥移時醒，晨遊送夕曛。數椽吾擬卜，半席可能分。

我愛山園好，清池漾細漣。幽花畝半笑，野鷺睡相聯。每
醉容山簡，因詩憶惠蓮。更期春雨歇，來對碧濺濺。

我愛山園好兼懷地主賢興同招隱賦文繼補亡篇坐
納千峯秀無如一壑專斯遊偶不見欲去意悠然

病目廢書雨中獨臥偶賦

淡墨秋陰暗滿川高杉藁竹亂風煙淋浪稍覺天瓢寫
飛灑還驚瀑布懸病睫蒙籠妨遠眺閉身衰謝竟誰憐
祇應造物諳疎懶乞與蕭齋聽雨眠

遲暮耽書祇歎嗟更堪阿堵著昏花形容未怕參軍笑
方術徒煩坐客誇細帙暫拋塵爛熳青燈故照髮蒼華
衰慵自斷今如此知復何時究五車

壽春堂詩集卷二

八

村逕無人喧鳥雀衡門積雨散蓬蒿頻拈藥裹封題懶
獨據藜牀偃臥高幻翳一作迹本空終掃滅秋容新沐試

遊遊爲憑湯熨相料理欲數青冥玉兔豪

湖上卽事多懷月心之辭六首

月轉山橫湖水明星河倒影玉壺冰故人天末難持寄
來倚高樓第四層

浙東山色渡江青眼底新詩向此成天盡雲低看鶻落

日斜風細待潮生

顧盼江湖左右分吳山飛過一作雨越山雲茲遊攬結風

煙秀獨自題詩轉憶君

卷地楊花作雪飛來時弄色尚依依不知華髮添青鏡
漫道緇塵染素衣

送罷東風身是客午窗半對紫玫瑰家山枕上分明見
何處濃香喚夢回

并腹芬芳萬卷餘劇談痛飲亦時須憐君獨抱詩箋註
頗憶城南舊酒徒

題扇

千古錢唐佳麗地名花一朶滿城春樊川已老何堪賦

靜春堂詩集卷二

九

蘇小雖亡更有人

飛燕驚鴻擬未真飄飄直欲似行雲入舟山色羞眉黛
隔岸榴花避舞裙

倚扇風流已絕羣西湖小却欲飛雲不知身是杭州客
一曲清歌帶酒聞

唾壺

同抱尊鼻質蒙將沃盥俱敢論才不器得近唾成珠弃
置枵然大提攜醉後須長歌空擊缺牢落壯心孤

燈檠

鴈足形模小猶存漢制微
低懸花燼密故照鬢毛稀
豈忍捐墻角何須對燭圍
露螢乾死後歲晚澹相依

塵尾

王謝風流物翩然落手中
元談方壘疊奮擲莫念念拂
席青蠅避郭塵白羽同空
言移晉鼎千載累清風

鐵如意

犀玉誇纖巧那堪緩急須
晶瑩同劍鏑玩弄避珊瑚
誰解麾戎壘徒能擊唾壺
持將儼諸葛碌碌笑狂夫

白海青

并序

靜春堂詩集卷二

十

尙方有賜江浙省臣白海青者杭州人士美以歌詩

徵余同賦

泚泚東溟刷羽翰仁隨天馬萬人觀
孤飛雪點青雲破一擊秋生玉宇寬
賜予豈將追雁鴛驅除直欲辨臯鸞
江南明月難同色夢想瑤塔白露溥

寄孔退之

昔從茂苑觀爲政江動雲飛五月秋
已識威名深屬望相看談笑更風流
才華祇解逢人說薄劣真慚與子遊
遙對青山憶風度幾回獨倚仲宣樓

靜春堂詩集卷二

靜春堂詩集卷二

知不足齋叢書

靜春堂詩集卷三

吳郡袁 易通父

上張大學士

五節飄飄拂錦韉，宮袍猶帶御爐煙。
承恩始覺詞臣貴，問俗爭迎使者先。
近侍鳴珂依日月，南遊染翰動山川。
更須一試調元手，爛熳爲霖下九天。

春日雪中

蕭齋聽寒雨，出戶霰已集。
飛霰點砌銷，綠苔稍沾溼。
紛紛填委勢，若包原隰冥。
觀陰陽妙欲，張故先欸定。
知陳夢下已有春風入。

靜春堂詩集卷三

一
知不足齋叢書

危坐苦愁思，急雪鳴窗櫺。
碧筠助蕭瑟，音響有餘清。
啾寒雀聚，肅肅高鴻驚。
撫物易興感，濁醪時一傾。
獨酌誰晤歌，閒襟徒自盈。

窮居散書帙，閉門風雪中。
聖賢有遺意，眇邈殆難通。
千秋紙土塵，欲論與誰同。
掩卷且復臥，時聆響幽藜。
孤懷偶便靜，敢慕高人蹤。

春日自城南歸會二友觀書人散後作

花柳垂垂放風煙，淡淡晴路長。
閒信馬春淺，未聞鶯心

與游絲遠與隨吹笛生欲攜尊酒去對取亂山傾
二仲能相過慚非蔣詡居塵毛頰落飯蝨葉亂翻青膠
合精神際珠生咳唾餘驪駒惜輕賦幽興晚蕭疎

春日遊廢園

種花移竹爲誰營過眼風煙祇暗驚試數舊題奇石少
尙論他日曲池平垂楊臥水傲傲舞細草侵階故故生
偶與春光共流轉綠尊對此竟須傾

和師言遊南園韻

竹裏亭臺納翠光席邊泉石坐仙鄉驚飛水鳥魚爭出
靜春堂詩集卷三

吹盡林花草自香誰把洞簫吟嶰谷似聽鄰笛在山陽
諷君詩句雲煙動轉覺蒼崖晚更蒼

是日坐上有吹洞簫者

送蔡松江之饒州石洞書院

寂歷雙峯弦誦室遺書長共白雲扃絕憐皓首窺章句
不似青山見典刑隨牒非才心自媿同僚得子眼還醒
鱸堂會有千人聽細講傳家舊石經

送樓山長之石洞交代

昔賢遺緒何寥闊欲振高風媿不能深喜君才逾十倍
豈徒吾事得交承錢唐傾蓋江湖動雨浦揚帆曙色凝

行矣莫辭千里遠百年禮樂待人興

與師言客錢唐凡三月餘師言歸後作詩奉寄

燈花猶記別時紅爲報君歸我亦東豈意黃塵迷瘦馬
尚淹青眼送飛鴻羣山積雪清相射千樹寒梅望欲空
何遜揚州才思減試煩妙語喚春風

送孔退之

笑談玉塵清風起丰骨冰壺雪片虛信宿暫疎情已惡
數州相望意何如江淹別恨蒼茫外阮籍窮途潦倒餘
目送故人猶作客明朝懷抱向誰舒

靜春堂詩集卷三

三

寒食日南山招飲馬膾醉爲馬墜

錢唐西湖天下奇寒食清明風日美山開綿繡身入畫
舟近絲簧春滿耳上人興發流俗表攜客看花古膾裏
委蛇微逕出荒蕪繚繞重巒當燕几遠尋桃萼失紅霞
稍覺風光在流水賞心尙及蒼芳辰傾蓋何期遇知已
晉人禊事得同然介子高風嗟已矣山懸落日爲人歡
酒盡清尊遮客起墮馬長吟杜甫辭墜車今悟莊周旨
養生被戮幾自解以酒得全探妙理今我不樂復何爲
人生如斯良有幾鷺峯蒼翠尙招邀已分青鞵從此始

與南山伯祥會飲湖中暮歸書所見

絳袖維舟並清湖滿鏡愁目成千里近曲罷數峯畱
語煩青鳥知機避白鷗東鄰窺宋久解后亦風流
風塵天際客弦管道邊樓良夜若無月殊鄉應更愁
精深鍾子聽蕭灑遠公遊頗念羈栖否飛花點弊裘

自錢唐歸寄諸友

蒼崖環抱汀州口臯亭蜿蜒縈其後勢如奔馬赴平川
轡銜約住驚回首折旋起伏固多態跋涉往來看亦久
不煩山色笑相迎今日扁舟落吾手曠野蕭蕭殘雪淨

靜春堂詩集卷三

四

長堤活活春流走鳴櫂寧嫌亂鵝鶴挂帆似欲窮牛斗
颼風忽怒當夜分天畢定知爲月守從橫雨脚散書卷
澎湃波聲撼窗牖未須戲侮出惡劇已厭奔馳謝衰朽
錢唐雷滯春復秋千首高吟負花柳雕鐫擬效西子顰
刻畫官墮無鹽醜角端羞與蠻觸伍胸次不妨雲夢九
秋豪得喪良可笑百歲風狂定何有已矣歸乘下澤車
悠然更寫新豐酒數尺白魚鬢欲奮三寸黃甘香半剖
爾來夢境過眼空愈識天公於我厚垂虹在望渺煙水
倦翼知還認林藪湯君文妙不加點唐子酒酣初撫缶

亦知晤語漸有涯
遠來相就還能否
若人折簡不可招
寄與篇詩換瓊玖

自杭還吳訪德鈞因畱論文過午歸途過竹閒道院

城郭塵埃傍馬飛
此中何地頓能奇
蕭蕭殘雪鴉翻急
漠漠平田鷺下遲
水帶冰澌流窅窅
路隨籬落轉逶迤
直疑身在宜城畔
野店山橋映酒旗

曉蹋雪泥寒未解
暮歸沮洳稍沾裳
已驚康樂春生筆
更伴彌明睡倚牖
共話祇添眉睫喜
相看莫問鬢毛蒼

靜春堂詩集卷三

五

從今來往城南道
藜杖東風百草香

送屠存博去歲客杭一年多與存博游故詩意及之

百尺朱樓花照天
十分金瓊酒如泉
共聽風雪當今夕
却話湖山記往年
身世薄遊那可料
鬢毛相顧各堪憐
慙無負老風流趣
苦欲淹留更繫船

邀師言過城南隱居不有來已而雪作并寄姚子

敬

歲云莫矣凍雨零
南山密雲如瓌城
閉門讀書華髮生

坐與歲月俱崢嶸哀鴻晝啼各相命吾亦求友紆吾情
街衢揚塵紛莫掃一笑相逢幾絕倒丈夫意氣膠在漆
白璧明珠詎爲寶城南濁醪賤如土地僻萊梅繁紫縞
割鮮那得效膏粱接譙聊將慰枯槁具區美菜菹半緣
大谷雪梨寒更好苦邀鞭轡不可回念子取別何草草
歸來懷抱爲誰開奇事咄嗒令人猜初驚竹樹聲撼撼
旋覺庭戶光澄澄飛絮散鹽兒女語雪車冰柱猶堪吟
惠連賦筆亦何事徒藉司馬煩鄒枚法當對此但飲酒
慎勿刻畫瓊與瑰明朝東風土膏釋百鳥喧啾破幽寂

靜春堂詩集卷三

六

杖藜禪榻煙繞鬢問柳灣碣春動色東郭履穿君莫歎
北海尊深我安惜一時會合猶少靳百年膠轄終何益
思君定卜晏子鄰書聲燈光夜穿壁焉能終日心拳拳
長倚城南望城北

題錢翼之所藏華岳山水圖

窗含遠嶺綿綿樹門對清江箇箇船此景吾廬朝莫有
畫中忽見絕堪憐

次師言月夜見寄韻

暮煙銷盡月東出明鏡團團飛上天欲向青冥窮遠目

不堪光彩照華顛金尊翠勺期何夕紫綺烏紗憶少年
詩句喚醒千古夢南樓風物故依然

春雨漫興

日日春陰祇欲眠強尋南陌復東阡猶殘碧樹花多少
莫惜金尊酒十千象管烏絲題往事玉簫錦瑟負華年
愁來祇對西山坐捲起疎簾翠接天

江上平蕪望欲迷江邊密雨細如絲冥冥白晝飛花急
漠漠青林度鳥遲春事又當三月莫人生那得百年期
誰能苦惜纏頭錦喚取嬌嬈舞柘枝

靜春堂詩集卷三

七

積雨厭厭愁斷腸暫時猶得見春陽頻來幽鳥當窗語
半落閒花度水香彩筆彫零詩漫興金杯搖蕩酒生光
悠悠心緒渾拋却付與遊絲共短長

和師言首夏雜興併用書懷

四月家家搏黍鳴東岡南隸半陰晴春兼落絮隨流水
風引遊絲入太清浮世時時塵事接荒郊日日暮山橫
能來相就同雞黍壠上何辭暫輟耕

柳花如雪填門巷不到先生絳帳深伏櫪暫淹千里足
耽書閒寄百年心乍拋酒殘愁侵鬢忽枉詩篇興滿襟

祇欲籠將白鷺去看君醉墨寫來禽

百年未放鬢毛斑更復求誰似我頭山鬼吹燈風雨裏
漁人爭席水雲閒采蘋聊出經南澗攀桂因畱賦小山
薄劣敢同高士趣身如飛鳥倦知還

雨後寄陸小山

飛雨鳴簷似決渠高齋終日意何如但知書盡五車讀
那問家無擔石儲向憶堂階曾繫馬近傳金竈欲生魚
解頤祇擬尋匡鼎滿腹窮愁得破除

閉門十日蕭蕭雨裹飯何人問子桑孤坐性便松桂冷

靜春堂詩集卷三

八

高歌聲出薜蘿長忽貽短札愁仍破更讀新詩喜欲狂
安得從君共清嘯祇應容我據胡床

和小山雨中見寄

滑滑泥中啼野禽東阡南陌復霖霖入空漠漠連平楚
竟日冥冥失故岑仲蔚門前荒草合子真谷口亂雲深
栖遲不作干時計空蘊經綸一寸心

江水浮天接混茫無船可買繫籬傍欲窮七澤尋三楚
但見一雲連八荒絳帳高堂深莫到蒼崖遠樹鬱相望
訪君不待帆檣具河廣猶傳葦可航

和師言窮居卽事韻

城郭煙花裏屋廬蕭然誰識范萊蕪借居種竹憐君達
築室移山笑我愚坐久眼看烏几縱醉來頭向墨池濡
壯心縱復都銷盡未害狂歌擊唾壺

來詩有壯心獨
事漸消磨之句

雨聲連夕亂鳴簷野色今朝稍入簾綠樹成圍黃鳥度
青天欲盡白波黏能經嬾戲愁危坐鵲語無憑喜謾占
若話浮名身外事畫蛇無足不須添

野水侵扉草滿坡蕭齋鐵硯久慵磨忽傳翡翠鯨魚句
驚見珊瑚碧樹柯深喜交情期管鮑敢將詩律鬪陰何

靜春堂詩集卷三

九

倩誰寫向高堂壁醉後長歌復短歌

再次前韻

浮生處處可爲廬勝境非人地亦蕪笠澤昔因高士重
冉谿曾爲放臣愚憐君燥吻哦詩苦笑我枯腸藉酒濡
若問神仙醉鄉近枉尋圓嶠與方壺

醉裏花枝拂帽簷醒來花落烏窺簾林園秉燭須行樂
日月煎膠可解黏夢鹿生涯身轉誤維魚歲事兆難占
長江安得成春酒痛飲杯乾自可添

北窗無夢到蠻坡寸墨寧堪盾鼻磨任性祇應同社媿

怡顏聊復盼庭柯
琴從得趣無弦久
酒可忘憂如病何
詩句麤疎君莫笑
江湖付與竹枝歌

題畫四首

來禽

離離玉井露光溥
移得精神畫裏看
更待秋風紅點爛
牆陰狼籍鳥銜燕

瓜

故侯一日身名隱
翠蔓千年採摘頗
爲問金盤供錯落
何如秋圃臥輪囷

靜春堂詩集卷三

黃葵

憶昔戎葵花下飲
金杯春盞綠鬟歌
祇今花似金杯側
獨對西風詠折枝

杏花

擬賦春風碎錦枝
含豪無句入支頤
趙村當日花千樹
白傅風流大好詩

題錢仲昭家菊坡圖

紅紫紛紛總後塵
千年陶令可相親
不知坡上秋多少
展卷霜風欲拂人

仲昭居風憲故云

靜春堂詩集卷三

靜春堂詩集卷三

子知不足齋叢書

靜春堂詩集卷四

吳郡袁

易通父



新歲郊居卽事

白日無遺照青春入敝廬
屠蘇慚後飲桃梗伴閑居
荒僻逢迎少衰慵拜起徐
占年聽雞卜吾得把犁鉏
雲葉開清旭霜花散積陰
稍欣迴凍蟄已覺變鳴禽
物化爭流疾天機靜玩深
東風漸相顧來往補疎林
岸幘江皋久移筇野望新
草傾將落日樹裏欲迴春
暖曬隨陽羽晴翻在藻鱗
自今還往數魚鳥亦相親

靜春堂詩集卷四

一知不足齋叢書

村居卽事

亭臯獨立看雲移併覺青山入
杖藜汀草路窮爭地出
水禽日落向人啼百年小隱身
如寄萬象橫陳句嬾題
驅使風光詩爛熳令人苦憶
浣花溪

村北村南鳴水車直疑樹杪著
浮槎因居澤國憂農事
強起江天管物華當戶漫栽
彭澤柳何田宜種邵平瓜
悠悠作計全疏懶倒罷清尊
又日斜

睡起西山翠作堆蜿蜒渾欲
傍人來政愁塵土無詩句
已覺風煙撲酒杯清景彌年
供嘯傲浮生何事苦低徊

誰能共此悠然意冉冉斜陽白鳥迴

寄陸冶僊

奇語雲閒陸士龍近來談笑與誰同圓機往往論千古
濁酒時時判一中聞道新居營水竹頗勝窮巷散蒿蓬
驅馳城郭還知否江水桃花昨夜風

和小山夏夜獨坐

密竹通風細新荷貼水圓林塘涵倒影河漢轉高天有
興栖霞外無愁到酒邊何煩百錢卜已悟小行年
屋角天河白尋源去匪遙祇應廣寒闕共此可憐宵北

靜春堂詩集卷四

二

斗迴空闊清風起沈寥騫榭何處覓吾欲汎輕舸

膠漆存吾道高情宿昔同神交懷阮籍夜飲憶元忠兩
地牛鳴近何時馬首東酒酣君勿去待我浩歌終

臥石雲黏袖乘舟月入篷物華歸目睫詩句愈頭風有
喜成三益毋勞歎五窮昔賢傾意氣安用萬人同

漫浪鷗爲侶行藏鶴退飛秋侵蒲柳質月滿薜蘿衣零
露濃如瀉閒雲薄未歸思君共揮塵相對澹忘機

漏水催傳箭繁星拱建杓菰蒲終夜響魴鱖傍人跳篇
什何多興風光頗困嘲胡牀談詠處著我醉喧囂

夜久琴書冷樓高枕簟清微風過梧葉故作雨來聲濁
酒悠然酌新詩向此成殘杯猶在手鼻息已雷鳴
高臥北窗裏無因夢益州行吟風滿袖醉舞月窺樓倒
載漸山簡清歌無杜秋遠遊須借問何地可埋憂
浪跡供多病牢愁伴獨醒歌長聊自舞詩好欲誰聽老
馬元西極遊鷗且北溟賴君時慰我喜變髮星星

因公事畱驛中遂登姑蘇臺晚望

古驛西風起中含水國秋官閒公
閒鳥下吏人休移

簟微涼入登臺晚興畱亂蟬當檻急衆木抱城稠天迥

靜春堂詩集卷四

三

搏蒼鷗山橫走翠虬虛無疑地盡突兀併雲浮絕景嗟
才窘微吟怯語適煙霏生變態鷗鷺傲冥搜初月清如
溼殘霞散不收似乘牛渚舫若在武昌樓娃館今荒草
吳宮祇廢工按圖非舊跡訪古莫深愁蘋浦漁歌斷楓
根鬼唱幽掠檐聞鶴警照席數螢流止舍慚昭子投亭
媿褚裒疏頑能稍稍漂轉付悠悠茲字閱人久伊誰似
我儔途窮翻一笑鬢短耐千憂世故從飄瓦浮生等置
郵三更星斗落萬事入搔頭

秋夜懷友二首

平生故舊誰知我潦倒襟期子畧同縱酒祇判于日醉
讀書少忍十年窮歲華晚晚欺霜鬢物色淒涼入井桐
未用相看歎搖落古來江漢有秋風

屋角闌干北斗垂誰家長笛夜深吹月流河漢天機急
秋到山川木葉知老去潘生聊漫賦向來宋玉不勝悲
四時代謝渾閒事有底窮愁入兩眉

和翼之秋懷

衡門無馬跡露草有蟲鳴樓上誰家女穿鍼聞笑聲胡
牀欹處穩長笛醉來橫此際得吾子掀髯紗帽傾

靜春堂詩集卷四

四

再和

千林羣鳥靜兩地一牛鳴月裏山河影風前鼓角聲川
原秋浩蕩雲物暮從橫此夕鷓鴣杓涓涓且細傾

贈周生

人生身幸一止足豫卜佳城也自賢甚欲與君論此事
祇今未辦買山錢

戲調月心

藥囊近說蛛絲繞酒戒兼聞翠袖開絳帳生徒何日了
秋花池閣喚人來

澹月微雲相與清
思君詩句臥中庭
誰謂西風不解意
牆根吹散讀書螢

南園花竹清如洗
每到徘徊不擬還
辨取拍浮三百斛
醉鄉堂上破除閒

南蕩東陂爛熳秋
閒君底事不來遊
身如槁木書堆案
相伴蝨魚何日休

扣門載酒可容來
懷抱相看得好開
祇恐彭宣驚女樂
後堂絲竹一時迴

送府判常仲寬

靜春堂詩集卷四

五

魚鱗井邑古句吳
地挂東南擁具區
別乘向來猶半刺
連銜况復共分符
雄藩劇劇勞參佐
屬邑安居罷叫呼
去日儵然舊行李
但添霜雪上髭須

凝神萬事優游裏
文案如山不憚煩
久淹朱紱從千騎
垂上青雲更貳藩
祖道攀船歌宛轉
秋風卷旆看飛翻
胸中歷歷知民瘼
臺閣從容好細論

送趙顯之檢校

憲府昔淹從事衫
攜書又問湊河帆
湖山樓閣秋千仞
省闈文符日幾函
稍糾掾曹疏穴劇
時要賓客上巖巖

蘭臺只恐催輶轉崖石今題是舊銜

挽陳徹堂

累世仍簪紱高名被縉紳貳車回步勇直館宿心親凋
落嗟前哲參陪阻後塵襄陽耆舊傳紀述付何人

高賢遂如此忽忽死生分竟失崑岡玉祇殘太華雲入
閒空作謠地下定修文不謂貞元老今爲馬鬣墳

黃壤千年墓瑤芝一夜霜病初傳稍稍身已去堂堂有
子翁堪暝知生我亦傷白頭流輩盡誰表鄭公鄉

陳仲淵別室

靜春堂詩集卷四

六

一桁珠簾護綺疏數拳蒼石莫寒蒲汝南市上塵如霧
誰見仙人隱玉壺

粉垣密掩竹脩脩時見清風舞翠虬若訝此君嫌俗客
祇開三逕納羊求

冰壺玉盤燦炯炯清泉墮石寒泠泠羞將白髮三千丈
來對靈苗一寸青

方瞳綠髮照寒碧冉冉雲氣生裳衣不辭乞汝服食法
但恐石上龍蛇飛

琴中流水瀾翻落畫裏秋山雜沓開更欲移牀傍脩竹

臥看飢鶴啄莓苔

別南山上人

擾擾人間萬事非相從時得扣元機
林堂酒半月到席
竹院碁殘雲滿衣
浮世情緣雖已解
丈夫意氣忍輕違
費家池上沾巾處
此道今無古亦稀

折松爲塵論如流
落盡松花語未休
豈但近公如白雪
便應著我寄滄洲
粗疎頗慕嵇康嬾
薄劣難追惠遠遊
它日重尋黃葉寺
碧雲吟罷不勝愁

獨坐懷黃子久

靜春堂詩集卷四

七

衡門處窮巷蓬蒿散空垣
臥起但書帙往來寡車轍獨
謠誰與和風葉一騷然
茅欄日可愛南窗明更暄
蒼筠送脩影忽作虬龍翻
人生耳目娛豈在聲色閒
欣然會心處欲寫竟忘言

良友多隔闊邈若參與商
衆中見快士蔚然江夏黃
詞章發華藻眉目宛清揚
如瞻晨星輝燿燿吐寒芒
相逢車馬邊俗塵不可鄣
欲申慷慨懷告別復忿忙
具區藪澤深高天雲路長
願爲雙鴻鵠與子俱飛翔

郊居寓目隨事輒題得詩九首

兩洗萬象出暄和風日新鷗聲春命侶山色暮迎人
絕江捕寒魚赤鯁巨莫逃鯨鱗翻有神騰出如銀刀
雜英渾未吐弱柳不勝垂獨得春風意黃金撚作絲
罷釣坐磐石水清石粼粼鑑影見毛髮吾今非昔人
春風號樹穴達曙簫笳聲殘梅幾點雪猶復照人明
把酒清江上扁舟送夕暉行雲杯裏度白鳥鏡中飛
泱泱堰根水跳珠終日鳴班荆坐忘返中有激湍聲
乾鷓溝危巢拾薪來往飛拮据有餘閒猶報行人歸
人生百憂集心役鬢毛斑煙雨江南岸春鉏爾許閒

靜春堂詩集卷四

和師言病中止酒見寄韻

憐君止酒嬰何疾猶復題詩枉故交三月青春看又破
數莖白髮若爲拋已鉏宿草畱微逕肯踏泥途過遠郊
喚取蛾眉開一醉鼓簧調暖玉笙瓢

題趙明仲鄱陽行橐後

新詩別後頓能奇筆勢翩翩直欲飛但怪衣巾清氣襲
盡持山郭白雲歸應劉淪落詞人少徐庾雕鐫雅道微
拂拭朱弦誰其聽似君高趣眼中稀

春日對雪卽事寄師言

落梅和雪作團飛鬪舞迴風不自持豈但燕鷺寒斂翼
頓令桃李淡無姿梁園賞罷須重賦水部題殘更有詩
料理物華煩外筆喚回春色乞花枝

次月心見寄書懷

世故嬰我懷熟心令人老解夢聊用酒人譏有何好君
詩出奇 冊瑚閒踏草堂 對長髯清談吾絕倒

藜牀膝穿臥起藉書卷獨立困僮僕傳抄愁小胥兀
兀竟何事新婦閉一車敢慕陳元龍豪氣猶未除

今日風日好嘉辰正離羣小桃繁似火江水碧于雲我

靜春堂詩集卷四

九

獨坐

各

但聞松風號蕭爽如秋旻小齋有松

數株

三月一日過南園報師言諸友

素李花繁不見天綠楊氣暖欲生煙飛泉漱坐清如玉
細草畱人輒勝綿

數日春陰一日風海棠只擬向來紅南園昨暮渾成雪
猶賴相看是醉中

柳花吹破百花休及此台當秉燭遊辛苦虞卿綠底事
滿窗白日照窮愁

再用韻

崇桃積李照青天
乳燕鳴鳩隔暖煙
漫道遊絲高百尺
祇應春思更綿綿

落花池館鳥呼風
狼藉薔薇半丈紅
何處飛來雙燕子
與人相對寂寥中

清談難覓許文休
欸段聊追馬少游
辦取拍浮三萬斛
莫令酒盡覺春愁

和師言磻

興韻

登臨北地起長嗟
煙樹依依減物華
歲去祇添新白髮

靜春堂詩集卷四

十知不足齋叢書

春歸猶問續開花
嬾爲二頃求田計
悉送萬錢畱酒家
端官忘機同釣席
亂鷗如雪滿平沙

城東雲木翠相望
城裏飛塵自在忙
萬頃江波搖鴨綠
百壺春酒瀉鵝黃
野禽忽送尊前曲
水荇時飄鏡裏香
只少紅妝同綵勝
清溪白石聽鳴榔

靜春堂詩集卷四

故靜春先生袁君墓誌銘 并序

金華黃 潛撰

吳之隱君子曰袁君諱易字通甫其先當宋初有起進士爲京朝官者曰仲賢始家于汴仲賢之後曰京西提刑珣于君爲五世祖南渡時卒葬于吳因家焉故今爲平江人曾大父曰璉樂其地衍沃買田築室長洲之蛟龍浦躬耕而食以布衣終大父曰 之承節郎監廬州都稅務父曰樞國史實錄院檢閱文字皆仕而未顯至君復不樂仕進東平徐公持部使者節聞君名延見與

靜春堂詩集 墓誌銘

一知不足齋叢書

語大悅將薦之于朝君力謝不可徐公益賢之已而行中書省署君石洞山長君乃欣然往就職旣歸卒隱弗仕卽所居西偏爲堂曰靜春壑 成池周于四隅池上累石如山菱荷蒲葦竹梅松桂 香草之屬敷舒繚繞而其外則左江右湖禽魚 煙波莽蒼閒堂中有書萬卷悉君手所校定客 與縱臥劇談雷

連竟日乃已君丰次

幼每風止雨收挾 舟以筆牀

茶竈古玩器自隨逍遙容與叩舷而歌望之者識其爲世外人君少敏于學蘊積之素一發于詩未始高談性

命以師道自任至其在石洞推明雙峯之說上及于考
亭皆諸生昔所未聞莫不敬服焉君所爲詩有靜春堂
集四卷龔氏子敬爲之序謂近半山而漁陽鮮于公稱
其閑遠清麗稍加精密少陵不難到其爲一時名人推
重如此吳興趙公嘗取汝南七

所記漢司徒袁公

臥雪事寫爲圖以遺君且曰子此圖正以通甫好修
之士使之景慕其高節爾則君之人品固不問可知君
母趙氏濮安懿王八世孫女妻奚氏子男四人長曰震
次曰泰次曰晉皆張出次曰驄陳出泰以文學克世其

靜春堂詩集

墓誌銘

二知不足齋叢書

家女五人長許適金大聲未行而卒次適顧天麟仲振
孫顧正許德明孫男三人女三人俱幼君卒以大德十
年十一月二十六日得壽四十有五其年十二月二十
四日葬長洲東吳鄉赭墩先墓之次後二十有八年是
爲元統二年君之子震已卒泰及五 知伐石以狀來
謁文爲銘其銘曰居之熙熙行之施施世非我遺我有
不爲寤言歌之其聲也希昭昭其垂表以刻辭

澗袁靜春先生墓

陳

基

字敬初
臨海人

每讀遺文爲悵然一盃今酌楮湖邊空遺元晏先生宅
不見山陰道士船日墓蛟龍歸近浦春深鷗鷺散平川
見郎也復能傳業白首躬耕祭墓田

次韻袁仲長竹堂感興

陳基

一曲桃源憶故人白頭詞客最傷春南柯已悟平生夢
東海曾揚幾劫塵綺樹鶯花徒自好畫堂絲竹爲誰陳
不須聞此空惆悵且看瑤姬舞繡茵

靜春堂詩集

一知不足齋藏書

